

4783.

1352 Febr. 7.

Söderbärke.

Biskop Egisel i Västerås bevittnar en vid Söderbärkes kyrka ingången förlikning emellan Karl Ingebjörnsson och Ragnhild jämte hennes son Harald.

Orig. på perg. i Sv. Riksark.

Omnibus presens scriptum cernentibus frater Egislus, diuina miseracione episcopus Arosiensis, salutem in Domino sempiternam. Constare volumus vniuersis euidenter recognoscentes nos anno Domini m^occc^ol^o secundo die martis proxima post Agate virginis apud ecclesiam Sudhirbærkiæ, dum visitacionis officium ibidem ageremus, concordie interfuisse facte inter Karolum Ingebyornason ex vna parte et Rangnildim et Haraldum, filium eius, parte ex altera in hunc modum, quod ipsa Rangnildis recognouit se ex parte neptis sue Ingeburgis, dicte dottir dottir, ab ipso Karolo Ingebyornason plenum precium et sufficiens raciocinium pro bonis suis tam mobilibus quam immobilibus sibi ab ipso Karolo adiudicatis prestito per ipsam iuramento secundum formam et tenorem litterarum iudicialium domini regis, prout se contentam et bene pacatam reddidit, integre subleuasse, ita quod memorata Rangnildis eundem Karolum suosque heredes pro se suisque heredibus et omnibus aliis qui de iure vel alio quouis modo conqueri possint in dictam concordiam seu conuencionem ab omni vltiori querimoniorum et mocionum infestacione liberos dimisit penitus et quittatos. Extunc eadem Rangnildis pro amicabili concordie composicione memorato Karolo litteram iudicialem, quam habuit, in nostra presencia et aliorum fidedignorum in communi placito beneuole recommisit. Vltorius sepe dicta Rangnildis eandem terram in Sudhirbopum predicto Karolo et suis heredibus pro competenti precio cum firmariis secundum leges terre dimisit possidendam. In cuius recognicionis testimonium sigillum nostrum vna cum sigillis reuerendorum dominorum virorum dominorum *Johannis*, prepositi in Byornaskogh et canonici Arosiensis, *Johannis* in Kulbek, *Thidekini Pætersson* et *Ingolphi Pætersson* presentibus est appensum. Actum et datum anno, die et loco supradictis.

På baksidan: Swderbod.

Remsorna efter fem sigill kvarhängaude.

Förut tryckt i Dipl. Dalekarl., nr 18 och 633.

4784.

1352 Febr. 8.

Strängnäs.

Konung Magnus' dom i jordatvist mellan Anund Finuidssons arfvingar och Vårfruberga kloster.

Orig. på perg. i Sv. Riksark.

Nos Magnus, Dei gracia *Swecie*, *Noruegie* et *Scanie* rex, mandamus vobis, heredibus domini Anundi Finuidzsson, quatenus bona in *Thraequisth* et *Byuxta*, que religiosa domina, domina abbatissa monasterii Montis beate virginis, de prefato domino Anundo pro bonis eiusdem monasterii in Horn permutacionis titulo conquisi-

uit, prefatis domine abbatisse et monasterio suo infra hinc et proximum festum pentechostes a quorumlibet impetitione libera penitus procuretis et eciam faciatis. Alioquin eidem domine abbatisse per hanc nostram diffinitiuam sententiam bona prefata in Horn extunc prout extunc adiudicamus et liberam sibi bona predicta in Horn extunc intrandi et possidendi tenore presencium tribuimus facultatem, contradictione cuiuslibet non obstante. Datum Strengenes sub sigillo nostro ad causas anno Domini m^occc^ol secundo feria quarta post dominicam septuagesime.

Fragment af sigillet (konungens sigill 'ad causas', Sv. Sig. fr. Medelt. I, 1, 65) bevaradt, insydt i en röd tygpåse och hängande på en ur brevet klippt remsa.

4785.

1352 Febr. 9.

Strängnäs.

Konung Magnus intygar, att biskop Sigmund i Strängnäs i hans närvaro medgifvit invånarne i Södermanland att på grund af årets missväxt detta år utgöra biskopstionde på samma sätt som tionde till sockenkyrkorna, men att han därjämte högtidligen protesterat mot att denna åtgärd skulle för framtiden lända honom eller hans efterträdare till någon prejudice.

Orig. på perg. i Sv. Riksark.

Omnibus presentes litteras visuris Magnus, Dei gracia Swecie, Noruegie et Scanie rex, salutem in Domino sempiternam. Tenore presencium nouerint vniuersi, quod constitutus in nostra presenciam et plurium discretorum in ciuitate Strengeniensi venerabilis in *Christo* pater dominus Sigmundus, Dei prouidencia episcopus Strengeniensis, considerata presentis anni miserabili sterilitate, populo sue diocesis in Sudormannia indulget pie de nullo iuris rigore, sed de gracia speciali, quod hoc anno decimas episcopales soluere valeant, sicut ecclesiis parochialibus suis soluunt, protestando suo et ecclesie sue Strengeniensis nomine publice et expresse, quod per hoc non intendit sibi, successoribus suis et ecclesie Strengeniensi preiudicium in aliquo generare, quo minus anno futuro et singulis annis subsequentibus possint tam ipse quam successores sui decimas suas episcopales exigere, recipere et pacifice obtinere, sicut secundum conuencionem antiquam tam ipse quam predecessores sui decimas suas episcopales in predicta terra Sudormannie exigere, leuare et recipere consueuerunt. In cuius protestacionis euidentiam ad predictorum episcopi et ecclesie cautelam et iuris sui conseruacionem presentes litteras eis concessimus nostri sigilli munimine roboratas. Datum Strengenes anno Domini m^occc^ol secundo feria quinta proxima post dominicam septuagesime.

På baksidan: Littera super decimis per tempus concessis Magno regi et retractis.

Sigillet borta, sigillremsan kvar.